

## GJALDSKRÁ

### fyrir sorphirðu í Grímsnes- og Grafningshreppi.

#### 1. gr.

Sveitarstjórn Grímsnes- og Grafningshrepps er heimilt að leggja á sérstakt árlegt sorphirðugjald (sorphreinsi- og sorpeyðingargjald) sem innheimta skal með fasteignagjöldum.

#### 2. gr.

Sorphirðugjald er sem hér greinir:		kr.
Lögbýli	sorphirðugjald	5.000
Íbúðarhús	"	3.000
Sumarhús	"	2.000
Fyrirtæki:		
"	1. flokkur	5.000
"	2. flokkur	15.000
"	3. flokkur	30.000
"	4. flokkur	60.000
"	5. flokkur	120.000
"	6. flokkur	150.000

Sveitarstjórn skipar fyrirtækjum í flokka eftir magni úrgangs.

#### 3. gr.

Gjaldskrá þessi, sem samþykkt er af sveitarstjórn Grímsnes- og Grafningshrepps, staðfestist hér með samkvæmt 25. gr. laga nr. 7/1998 um hollustuhætti og mengunarvarnir, til að öðlast þegar gildi. Frá sama tíma fellur úr gildi gjaldskrá Grímsneshrepps nr. 565/1997.

*Umhverfisstjórnuneytinu, 1. mars 1999.*

F. h. r.

**Ingimar Sigurðsson.**

*Sigurbjörg Sæmundsdóttir.*

## SKIPULAGSSKRÁ

### fyrir Rannsóknarsjóð lungnalækningaskorar Ríkisspítalanna.

#### 1. gr.

Sjóðurinn heitir Rannsóknarsjóður lungnalækningaskorar Ríkisspítalanna. Heimili og varnarþing sjóðsins er í Reykjavík.

#### 2. gr.

Stofnendur sjóðsins eru lækarnir:

Andrés Sigvaldason	kt. 260648-2419.
Davíð Gíslason	kt. 170241-4529.
Þórarinn Gíslason	kt. 171051-7119.
Unnur Steina Björnsdóttir	kt. 060159-6109.

## 3. gr.

Stofnfé sjóðsins er 471.000 kr. og skal það ávallt haldast óskert að raungildi.

## 4. gr.

Stjórn sjóðsins skulu skipa 3 menn:

- 1) Þórarinn Gíslason og er hann jafnframt formaður sjóðstjórnar.
- 2) Davíð Gíslason.
- 3) Aðili tilnefndur af forstjóra Ríkisspítalanna, eða sá sem gegnir samsvarandi stöðu verði sú staða lögð niður.

Varamenn Þórarins og Davíðs í stjórn skulu tilnefndir af stofnendum, en forstjóri Ríkisspítalanna, eða sá sem gegnir samsvarandi stöðu verði sú staða lögð niður, tilnefnir þriðja mann.

Ef stjórnarmaður óskar eftir að vera leystur frá stjórnarstörfum velur hann eftirmann í stjórn í sinn stað.

Falli stjórnarmaður frá skulu þeir sem eftir sitja í stjórn velja nýjan stjórnarmann.

## 5. gr.

Tilgangur sjóðsins er að efla rannsóknir á sviði lungna- og ofnæmissjúkdóma, m.a. með verkefnum sem unnin eru á vegum sjóðsins, tækjakaupum, rannsóknarstyrkjum, launa-greiðslum til aðstoðarfólks, ferðastyrkjum og endurmenntun starfsfólks. Ennfremur skal heimilt að greiða starfsfólki umbun fyrir aðstoð við rannsóknarvinnu og vel unnin störf.

## 6. gr.

Tekjur sjóðsins skulu vera:

- 1) Tekjur af samningum við Íslenska erfðagreiningu (ÍE).
- 2) Tekjur af lyfjarannsóknum við lungnaskor Ríkisspítalanna.
- 3) Rannsóknarstyrkir.
- 4) Tekjur af greiðslum sjúklinga við göngudeild í lungna- og ofnæmissjúkdómum við Ríkisspítalana samkvæmt samkomulagi við spítalastjórnina.
- 5) Arður af inneign sjóðsins.

## 7. gr.

Stjórnin úthlutar úr sjóðnum í samræmi við ákvæði 5. gr. og annast vörslu sjóðsins og ávöxtun hans.

## 8. gr.

Stjórn sjóðsins skal halda fundargerðabók um allar ákvarðanir sínar og um hvaðeina er varðar rekstur sjóðsins. Stjórnin annast bókhald sjóðsins. Skal í gögnum hans koma fram hverjir afla tekna í sjóðinn samkvæmt 6. gr. 1) - 3).

Stjórnunarkostnaður greiðist af tekjum sjóðsins.

Einfaldur meirihluti ræður ákvörðunum stjórnar.

## 9. gr.

Reikningsár sjóðsins er almanaksárið. Reiknissskilum skal lokið fyrir 1. júlí ár hvert. Reikningar skulu endurskoðaðir af löggiltum endurskoðanda.

## 10. gr.

Skipulagsskrá þessari má breyta ef það telst nauðsynlegt eða heppilegt vegna breyttra aðstæðna, ef allir stjórnarmenn eru sammála um það. Slíkar breytingar skulu hljóta

samþykki dómsmálaráðuneytisins. Aldrei má breyta ákvæðum 11. greinar um ráðstöfun eigna við sjóðsslit.

## 11. gr.

Verði sjóðurinn lagður niður skulu eignir hans renna til tækjakaupa eða rannsóknarstarfsemi samkvæmt ákvörðun sjóðstjórnar.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytinu, 2. mars 1999.*

F. h. r.

**Björn Friðfinnsson.**

---

*Fanney Óskarsdóttir.*

## AUGLÝSING

### um ökutækjatryggingar.

## 1. gr.

Samkvæmt heimild í 3. mgr. 91. gr. umferðarlaga, nr. 50 30. mars 1987, sbr. lög nr. 84/1998, er ákveðið að váttryggingarfjárhæðir ábyrgðartryggingar ökutækja samkvæmt 2. mgr. 91. gr. skuli vera 1.027 millj. kr. vegna líkamstjóns eða vegna missis framfæranda og 178 millj. kr. vegna tjóns á munum.

## 2. gr.

Samkvæmt heimild í 4. mgr. 92. gr. umferðarlaga, sbr. lög nr. 32/1998, er ákveðið að váttryggingarfjárhæð slysatryggingar ökumanns og váttryggingartaka samkvæmt 1.-3. mgr. 92. gr. skuli vera 77 millj. kr.

## 3. gr.

Samkvæmt heimild í 4. másl. 3. mgr. 6. gr. reglugerðar um lögmæltar ökutækjatrýggingar, nr. 556 29. desember 1993, er ákveðið að hámark eigin áhættu váttryggingartaka samkvæmt 2. másl. 3. mgr. 6. gr. skuli vera 88.000 kr. fyrir einstakling og 188.000 kr. fyrir rekstraraðila, svo og að hámark eigin áhættu samkvæmt 3. másl. 3. mgr. 6. gr. skuli vera 31.000 kr.

## 4. gr.

Ákvæði auglýsingar þessarar taka þegar gildi.

Jafnframt fellur úr gildi auglýsing um ökutækjatrýggingar, nr. 151 9. mars 1998.

*Dóms- og kirkjumálaráðuneytinu, 15. mars 1999.*

**Þorsteinn Pálsson.**

---

*Ólafur W. Stefánsson.*